

25. april 2022

UPA2022/117

Inatsisartut Suleriaasianni § 36 naapertorlugu apeqquteqaat aallaavigalugu Inatsisartut oqallisigisassaannik saqqummiussivunga:

Qanoq iliorluta nioqqutissat nunarsuatsinni akiisa sorsunnerup kingunerisaanik qaffakkiartupiluulernerat innuttaasunut kingunerluutaannginnerpaamik inissinniarlugu suliarisinnaavarput?

(Siumup Inatsisartunut ilaasortaatitai)

Tunngavilersuut:

Ukrainemi sorsunneq tunngavigalugu akit qaffakkiartorput piffissamilu qaninnermi suli annertunerujussuarmik eqquissasoq ilisimaneqalereerpoq.

Europami ikummatissaq marts qaammat 33%-mik qaffareerpoq, uuliallu akuiagassap nappartap akia 40%-imik qaffareerluni. Iffiukkat, qajuusat, nersutit neqai ulluinnarnilu inuuniarnermi pinngitsoorneqarsinnaanngitsut nunatta avataani annertuumik akii qaffareerput nunatsinnilu malunniutereerlutik.

Aalisakkanik qalerualinnillu tunisat ikinnerulernikuupput, raajanut akitsuutit sunniuteqarput, aatsitassarsiorneq eqqugaanikuuvoq aamma mittarfinnut nukissiuutinullu sanaartornermi aningaasanik nunarput attartugaqarpoq.

Nunatsinni Polar Oil sillimmateqarallartillugu ajornerpaamik suli eqqugaanngilagut ilisimavarpulli piffissami aggersumi akit qaffarujussuassasut. Air Greenland ilimasaarereerpoq¹ timmisartumik angalasunut akit qaffassasut. Uuliamut akit nunatsinni qaffappata, kiassarnermut akiligassat qaffassapput, sanaartornermut akit qaffassapput aamma isorliunerusuniittut, nunaqarfinniittut, aalisartut, piniartut, pissakinnerusut ilaqtariillu meerartallit annertuumik eqqugaassapput. Tassami akit qaffakaangata akissarsiat nalikinnerulertarput isertitakinnerusullu annertuumik eqqugaasarlutik.

Nunatta aningaasaqarnera uuliap akiata qaffanneranik kisimi eqqugaanngilaq tessami Ruslandimut niivernikkut unitsitsineq aamma annertuumik eqquisussaavoq.

Ajornerpaaq utaqqinagu piaernerpaamik Inatsisartuni oqaluusersariaqarparput qanoq sillimaniassanerluta ilaqtariinnullu pissakinnerusut qanoq ikorsiisinnaanerluta.

Inuaqatigiit kalaallit eqqornerlunneqarnerat atukkallu ajornerulerterat pillugu ajornerpaarlutikissiinagu partiit akimorlugit oqaloqatigiinnerit ingerlanneqartariaqartut Siumumiik kaammattutigaarput.

¹ <https://sermitsiaq.ag/kl/air-greenland-uulia-akii-pillugitbilsit-akitsorneranik-kinguneqarsinnaavoq>